

BOSNA I HERZEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON GORAŽDE  
GRAD GORAŽDE  
GRADONAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
BOSNIAN-PODRINJE CANTON GORAŽDE  
CITY OF GORAŽDE  
MAYOR OF CITY

Broj: 02-02-837/2023  
Goražde, 06.03.2023. godine

**GRADSKO VIJEĆE  
GRADA GORAŽDE**

BOSNA I HERZEGOVINA  
Federacija Bosne i Hercegovine  
Bosansko-Podrinjski kanton Goražde  
GRAD GORAŽDE  
Službeni dokument odlatnosti i općih poslova

Datum izdavanja:	07-03-2023
Vrijednost:	
Ustrojstvo:	
Naknadno:	
Ugovorni znak:	
Redni broj:	
Era:	

Predmet: Zahtjev za uvrštenje prijedloga odluke u dnevni red sjednice Gradskog vijeća-a i njeno razmatranje, traži se.-

Poštovani,

Molimo Vas da u dnevni red sedamnaeste redovne sjednice Gradskog vijeća Grada Goražde uvrstite prijedlog Odluke o visini komunalnih taksi Grada Goražde, radi razmatranja i usvajanja.

S poštovanjem !

**GRADONAČELNIK**

ERNEST IMAMOVIĆ



**DOSTAVLJENO:**

- Naslovu
2. U dosije
3. a/a.-



## PRIJEDLOG

Na osnovu člana 13. stav 2. alineja 4. Zakona o principima lokalne samouprave u Federaciji Bosne i Hercegovine (“Službene novine Federacije BiH”, broj: 49/06 i 51/09), člana 3. Zakona o komunalnim taksama Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 16/11, 15/14, 5/17 i 8/22) i članova 17. i 88. Statuta Grada Goražde (“Službene novine Grada Goražde“ broj 5/18), Gradsko vijeće Grada Goražde na sjednici održanoj dana \_\_\_\_\_.2023. godine, donosi

## ODLUKU O VISINI KOMUNALNIH TAKSI GRADA GORAŽDE

### I OPĆE ODREDBE

#### Član 1.

Ovom Odlukom utvrđuju se vrste komunalnih taksi, kriteriji i visine taksi na području Grada Goražde, oslobađanje od plaćanja i način plaćanja u skladu sa Zakonom o komunalnim taksama Bosansko-podrinjskog kantona Goražde (u daljem tekstu: Zakon).

#### Član 2.

##### (Definicije pojmoveva)

###### (1) Pojmovi u smislu ove Odluke:

- a) istaknuta firma podrazumjeva oznaku, obilježe ili natpis na radnim i drugim prostorijama, na fasadi građevine u kojoj se nalaze radne prostorije ili van gabarita te građevine, na ulaznim vratima, izlozima/portalima ili unutar izloga radnih prostorija, kojim se označava da određeno pravo ili fizičko lice obavlja izvjesnu djelatnost ili zanimanje;
- b) nekretnina koja se iznajmljuje licima koja nisu državljeni Bosne i Hercegovine podrazumijeva svaki prostor/objekat/nekretninu koji se iznajmljuje;
- c) držanjem sredstava za igru (biljar, automati, videoigre, pikado, plejstejšn, i slično) podrazumjeva svaki uređaj kojim se naplaćuje provedeno vrijeme jednog ili više konzumenata takvih uređaja. Aparati za posebne igre na sreću podrazumijevaju elektroničke ili mehaničke aparate, kompjutere ili druge uređaje koji se koriste za igre na sreću koji tokom igre omogućavaju dobitak u novcu ili žetonima koji su naplativi u novcu;
- d) organizovanje i izvođenje muzike uživo u ugostiteljskim i drugim objektima i na otvorenom podrazumjeva povremeno ili svakodnevno izvođenje muzičkog programa uz pružanje ugostiteljskih usluga;
- e) isticanjem obavještenja, oglasa i saopštenja podrazumjeva postavljanje stalnih ili privremenih banera, plakata, panoa na javnim mjestima u štampanoj ili elektronskoj formi. Navedeno podrazumijeva i reklamiranje brendova, proizvoda ili usluga koje pružaju pravne ili fizičke osobe ili koje imaju svrhu putokaza prema mjestu sjedišta sponzora koji ih je postavio;

- f) svako korištenje prostora za kampove, šatore, prikolice, automobile i slično podrazumijeva zauzimanje prostora za privremeni boravak od strane jedne ili više osoba

**Član 3.**  
**(Osnov za plaćanje takse)**

(1) Na području Grada Goražde utvrđuje se i naplaćuje komunalna taksa za:

- a) Svaku istaknuto firmu na poslovnim i drugim prostorijama;
- b) Iznajmljivanje nekretnina licima koja nisu državljeni Bosne i Hercegovine;
- c) Držanje sredstava za igaru (bilijar, automati, videoigre, pikado, plejstejšn i slično);
- d) Aparati za posebne igre na sreću koji donose novac;
- e) Organizovanje muzike uživo u ugostiteljskim, drugim objektima i na otvorenom prostoru;
- f) Zazimanje pločnika i drugih površina ispred poslovnih prostorija;
- g) Istančanje obavještenja, oglasa i saopštenja na javnim mjestima;
- h) Korištenje prostora za kampove, šatore, prikolice, automobile i slično.

**Član 4.**  
**(Isticanje firme)**

- (1) Pravna i fizička lica koja obavljaju registrovanu djelatnost na osnovu rješenja nadležnog organa dužna su na vidnom mjestu svih poslovnih prostorija i objekata (sjedište i poslovne jedinice), gdje obavljaju djelatnost, istaknuti naziv firme.
- (2) Pod nazivom firme podrazumjева se naziv firme pod kojim je takseni obveznik registriran kod nadležnog organa, sjedište i broj, odnosno naziv poslovne jedinice kada se firma ističe na poslovnoj jedinici.
- (3) Ako su, na radnim i drugim prostorijama, na fasadi građevine u kojoj se nalaze radne i druge prostorije ili van gabarita te građevine, istaknuta dva istovjetna imena, istaknutom firmom se smatra samo jedan naziv a sve ostalo je u tretmanu reklame.
- (4) Firma se ističe najkasnije danom početka obavljanja registrovane djelatnosti.

**Član 5.**  
**(Nastanak obaveze)**

- (1) Taksena obaveza iz člana 3. stav (1) tačka a) Odluke nastaje isticanjem firme.
- (2) Taksena obaveza iz člana 3. stav (1) tačka b) do h) Odluke nastaje u trenutku kada se počinje koristiti predmet ili usluga ili prostor za čije korištenje je propisano plaćanje takse.

**Član 6.**  
**(Obveznici plaćanja takse)**

- (1) Takseni obveznici su sva pravna i fizička lica registrovana za obavljanje djelatnosti koja posluju na području Grada Goražde, odnosno pravna i fizička lica koja koriste predmet, prostor ili pružaju usluge za čije korištenje je propisano plaćanje takse.
- (2) Ako za istu taksu postoji dva ili više obveznika, njihova obaveza je solidarna.

## Član 7. (Podnošenje prijave za razrez taksene obaveze)

- (1) Prijavu za razrez komunalne takse iz Člana 3. stav (1) tačke a), c) i d) ove Odluke porezni obveznik je dužan podnijeti Poreznoj upravi Federacije BiH, Kantonalni porezni ured Goražde-Porezna ispostava Goražde (u daljem tekstu: Porezna uprava) do 30. janura tekuće godine, prema stanju na dan 01. januara tekuće godine, za koju se utvrđuju obaveze, odnosno u roku od 15 dana od datuma isticanja firme ako je porezni obveznik registrovao djelatnost u toku poslovne godine.
- (2) Izuzetno od stava (1) ovog člana prijavu za razrez komunalne takse iz Člana 3. stav (1) tačke a), c) i d) ove Odluke za 2023. godinu podnosi se do kraja marta 2023. godine, a prema stanju na dan 01. januara 2023. godine.
- (3) Obveznik komunalne takse dužan je Poreznoj upravi podnijeti prijavu za komunalnu taksu na propisanom obrascu, koji je sastavni dio ove Odluke.
- (4) Ukoliko takseni obveznici u propisanom roku ne podnesu prijave, ili daju netačne podatke, utvrđivanje i prijavu takse izvršit će Porezna uprava po taksenoj tarifi uvećanoj za 50%, a u skladu sa odredbama Zakona o Poreznoj upravi Federacije BiH i podzakonskim aktima.
- (5) Obveznik takse iz Člana 3. stav (1) tačke e) dužan je najkasnije jedan dan prije početka organizovanja muzike uživo prijaviti Poreskoj upravi dan početka i dan završetka organizovanja muzike uživo.

## Član 8. (Obračun i način plaćanja)

- (1) Taksa se plaća na depozitni račun Grada Goražde sa naznakom vrste prihoda 722321, šifra općine 033 a u skladu sa Zakonom i Pravilnikom o načinu uplate javnih prihoda budžeta i vanbudžetskih fondova na teritoriji Federacije BiH.
- (2) Komunalne takse su prihod Grada Goražde.
- (3) Utvrđena a neuplaćena taksena obaveza iz Člana 3. stav (1) tačke a), c) i d) ove Odluke plaća se u dvije jednakе rate i to prva rata (za prvih šest mjeseci) se plaća u roku od osam radnih dana od dana prijema rješenja dok se druga rata (za preostalih šest mjeseci) plaća do 01. jula tekuće godine.
- (4) Taksu iz Člana 3. stav (1) tačke b), e), g) i h) ove Odluke obveznik plaća u momentu nastanka taksene obaveze.
- (5) Taksu iz Člana 3. stav (1) tačke f) ove Odluke obveznik plaća se kod nadležnog organa unaprijed, prije izdavanja Rješenja o zauzimanju prostora a srazmjerno vremenu za koje se odobrenje izdaje.
- (6) Ako takseni obveznik u roku propisan ovom Odlukom i Zakonom o komunalnim taksama Bosansko-podrinjskog kantona Goražde ne izvrši uplatu takse, nadležna Poreska uprava će da izvrši naplatu u skladu sa odredbama Zakona o poreskoj upravi u Federaciji BiH.

## **II KRITERIJI, POSLOVNE ZONE I VISINA TAKSE**

### **Član 9. (Kriteriji)**

(1) Kriteriji za određivanje visine takse su: poslovna zona u kojoj se djelatnost obavlja i veličina pravnog lica.

### **Član 10. (Zone poslovanja)**

(1) Područje Grada Goražde dijeli se u šest zona određenih gradskim propisom o određivanju gradskog građevinskog i ostalog građevinskog zemljišta i zoniranju a služe kao početni kriterij za određivanje visine komunalne takse na istaknuto firmu i to:

- a) I zonu čine ulice: Maršala Tita, Meha Drljevića, Seada Sofovića Sove, Sinan-paše Sijerčića, Kulina Bana, Trg branilaca Goražda, Prve slavne višegradske brigade (od raskrsnice zgrade „Sarajka“ do ambulante), Ibra Čelika, Ferida Dizdarevića, Zaima Imamovića, Omladinska (do škole „Fahrudin Fahro Baščelija“), Zdravstvenih radnika, 43. drinske brigade, Hajra Lakovića (do kuće k.č. 668/2 KO Goražde 2-Laković Edina i Farisa) i Senada kulina Čelke.
- b) II zonu čine ulice: Prve slavne višegradske brigade (od ambulante do raskrsnice zgrade Dom I), Hajra Lakovića (od kuće k.č. 668/2 KO Goražde 2-Laković Edina i Farisa), Fazlagića, Naselje Panorama, Agana Imamovića, Rabite, Ruždije Islamagića (do benzinske pumpe), Ibrahima Popovića (do zgrade šumarstva), Omera Vrane, Rifeta Ćutune, 1. Maj, Muhidina Mašića Munje, Pobarnik (do kuće k.č. 2620 Goražde 2-Ahmović Osman), Šukrije Kukavice, Iransko šetalište (do kuće k.č. 2620 Goražde 2-Ahmović Osman), Alije Hodžića (do kuće Mašala Elfada).
- c) III zonu čine ulice: 22. Maj, Rifeta Vesnića, Braće Ramovića, Enesa Turkovića, Murisa Živojevića, Hasana Kikića, Prve slavne višegradske brigade (od raskrsnice zgrade Dom I), Bekta Gacka (do kuće k.č. 181/1-Muratspahić Senad), ul. Ušanovića, Halida Hubjera, Sinica, Ibrahima Popovića (od zgrade šumarstva), Ruždije Islamagića (od benzinske pumpe), Bolnička, Fočanska (do kuće Hodžić Rama, k.č. 1044), Pobarnik (od kuće k.č. 2620 Goražde 2-Ahmović Osman), Iransko šetalište (od kuće k.č. 2620 Goražde 2-Ahmović Osman), Ibra Mujkovića, Bega Mrša, Alije Hodžića (od kuće Mašala Elfada), Himze Ćurovca (do ulice Doktora Karameha), Mašalina, Zufera ef. Bešlige, Braće Derviševića, Šatorak, Huseina Bešlige, Patriotska, Mladih muslimana, Patriotske lige, Iransko šetalište (od kuće k.č. 2620 Goražde 2-Ahmović Osman do ambulante).
- d) IV zonu čine ulice: Himze Ćurovca (od ulice Doktora Karameha), Rogatičkih brigada, Zmaja od Bosne, 16. Muslimanske brigade, Edina Plakala, Nurije Rašidkadića, 31. Drinske brigade (do benzinske pumpe), huseina Žige, Mirvić Hasiba, Iransko šetalište (od ambulante), Čajnička,

Rada Jovanovića, Fočanska (od kuće Hodžić Rama, k.č. 1044), Žepska, Suvada Pozdera Buljka, Srebrenička, 22. Maj (od kuće Mičević Milisava k.č. 1872/1), 25. Novembar.

- e) V zonu čine ulice: Sarajevska, Osmana Halilovića, Adnana Mehanovića, Braće Homoraša, 31. Drinske brigade (od benzinske pumpe), Mevsuda Bajića Baje, Murisa Dučića, 1. Drinske udarne brigade.
  - f) VI zonu čine ulice: Braće Bezdrob, Braće Smajević, Bekta Gacka (od kuće Muratspahić Senada k.č. 181/1), Džemala Osmankovića, Huseina Žige.
- (2) U VI zonu spadaju sve ostale ulice i naselja koja nisu obuhvaćena zonama od I do VI zone.
- (3) Ako se obveznik takse nalazi na granici poslovnih zona, taksa na istaknutu firmu se plaća prema zoni kojoj pripada ulica na kojoj je istaknuta firma.

### Član 11. (Visina komunalnih taksi)

#### Tarifni broj 1.

- (1) Obrtnici, samostalni privrednici odnosno fizička lica koja obavljaju privrednu djelatnost ili zanimanje a koja su registrovana u nadležnoj gradskoj službi ili kod nadležnog ministarstva, za svaku istaknutu firmu, oznaku, obilježje ili natpis, plaćaju godišnju taksu kako slijedi:

Obrtnici/samostalni privrednici odnosno fizička lica koja obavljaju privrednu djelatnost ili zanimanje	ZONE-iznos takse u KM					
	I	II	III	IV	V	VI
Nije PDV obveznik	70	60	50	40	30	20
PDV obveznik	100	90	80	70	60	50

- (2) Pravna lica za svaku istaknutu firmu, oznaku, obilježje ili natpis na poslovnim prostorijama i objektima, kojima se označava da pravno lice obavlja privrednu djelatnost ili zanimanje, plaćaju godišnju taksu. Pravna lica, u smislu Člana 5. Zakona o računovodstvu i reviziji u Federaciji Bosne i Hercegovine („Službene novine Federacije BiH“ broj 15/21), razvrstavaju se na mikro, mala, srednja i velika, u zavisnosti od ukupnog prihoda, prosječne vrijednosti poslovne imovine i prosječnog broja zaposlenih u toku poslovne godine, utvrđenih na dan sastavljanja finansijskih izvještaja u poslovnoj godini. Ukoliko pravno lice ima sjedište na području Grada Goražde visina godišnje takse iznosi:

VELIČINA PRAVNOG LICA	ZONE-iznos takse u KM					
	I	II	III	IV	V	VI
MIKRO-Nije PDV obveznik	150	140	130	120	110	100
MIKRO-PDV obveznik	200	190	180	170	160	150
MALO (sjedište)	450	430	410	390	370	350
SREDNJE (sjedište)	1000	950	900	850	800	750
VELIKO (sjedište)	3500	3000	2500	2000	1500	1000

(3) Pravna lica koja su u skladu sa Zakonom o računovodstvu i reviziji u Federaciji Bosne i Hercegovine („Službene novine Federacije BiH“ broj 15/21) razvrstana u male, srednje i velike poslovne subjekte, koji na području Grada Goražde pored sjedišta imaju otvorene poslovne jedinice ili imaju otvorene samo poslovne jedinice, plaćaju za svaku poslovnu jedinicu godišnju taksu u iznosu od 40% od iznosa utvrđenog za zonu u kojoj obavlja djelatnost.

### **Tarifni broj 2**

- (1) Za iznajmljivanje nekretnina licima koja nisu državljeni Bosne i Hercegovine, za jedno lice plaća se dnevno taksa u iznosu od 2,00 KM.
- (2) Naplatu takse po ovom tarifnom broju vrši lice koje je vlasnik ili korisnik nekretnine koja se izdaje.

### **Tarifni broj 3**

- (1) Za držanje sredstava za zabavne igre i držanje aparata za igre na sreću koji donose novac plaća se godišnje po jednom komadu, odnosno predmetu ili aparatu kako slijedi:
  - a) Na bilijar-stolove, flipere, automate, pikado, plej stejšn, kompjutere i druge uređaje za priređivanje igara za zabavu, odnosno druga sredstva za igru gdje je dobitak isključivo u određenom broju igara plaća se komunalna taksa u iznosu od 200,00 KM.
  - b) Na aparate od igara na sreću koji donose novac plaća se komunalna taksa u iznosu od 1.200,00 KM

### **Tarifni broj 4**

- (1) Za držanje muzike uživo u ugostiteljskim i drugim objektima te na otvorenom prostoru plaća se komunalna taksa dnevno u iznosu od 100,00 KM.

### **Tarifni broj 5**

- (1) Za zauzimanje trotoara, javnih i slobodnih površina plaća se:
  - a) Za postavljanje stolova ispred ugostiteljskih objekata u svrhu pružanja ugostiteljskih usluga plaća se po jednom stolu dnevno 1,00 KM,
  - b) Za postavljanje stolova, pulteva, tezgi-stolova za prodaju knjiga, cvijeća, razglednica, bižuterija i drugih proizvoda plaća se po jednom prodajnom mjestu dnevno 20,00 KM.
- (2) Naplata takse po ovom tarifnom broju vrši nadležna gradska služba Grada Goražde koja upravlja slobodnim površinama.

### **Tarifni broj 6**

- (1) Za isticanje panoa, display-a i plakata na javnim mjestima određenim za te namjene plaća se mjesecna taksa i to:
  - a) Za postavljanje stalnih panoa i display-a po  $1m^2$  plaća se 20,00 KM

- b) Za seriju plakata do 100 komada plaća se 50,00 KM,
  - c) Za seriju plakata preko 100 komada plaća se 100,00 KM,
- (2) Naplata takse po ovom tarifnom broju vrši nadležna gradska služba Grada Goražde koja upravlja slobodnim površinama.
- Tarifni broj 7**
- (1) Za korištenje slobodnih površina za kampovanje, deponije materijala i drugu privremenu upotrebu plaća se dnevno:
    - a) Za svaki šator, plaća se 1,00 KM,
    - b) Za kamp-prikolicu, plaća se 1,00 KM,
    - c) Za automobil, plaća se 1,00 KM.
  - (2) Naplata takse po ovom tarifnom broju vrši nadležna gradska služba Grada Goražde koja upravlja slobodnim površinama.

### **III PRAVO NA UMANJENJE, OTPIS I OSLOBAĐANJE OD TAKSE**

#### **Član 12. (Oslobađanje od plaćanja komunalne takse)**

- (1) Od plaćanja takse oslobađaju se:
  - a) Bosna i Hercegovina,
  - b) Federacija Bosne i Hercegovine, Bosansko-podrinjski kanton Goražde, Grad Goražde i njihovi organi,
  - c) Centralna banka BiH
  - d) Ustanove iz oblasti predškolskog obrazovanja, obrazovanja, nauke, kulture, zaštite kulturne i prirodne baštine, sporta, zdravstva, socijalne zaštite, vjerske, humanitarne i dobrotvorne organizacije,
  - e) Udruženja i fondacije koja ne obavljaju privrednu djelatnost i djelatnost mikrokreditiranja, izuzev tačaka b), c), d), e) i f) iz člana 3. ove Odluke
  - f) Fizička lica-ratni vojni invalidi i zarobljeni borci pripadnici Oružanih snaga BiH izuzev tačaka b), c), d), e) i f) iz člana 3. ove Odluke
  - g) Fizička lica kojima je rješenjem nadležnog organa priznato svojstvo člana porodice šehida, poginulog, umrlog, nestalog branioca i umrlog ratnog vojnog invalida pripadnika Oružanih snaga BiH, izuzev tačaka b), c), d), e) i f) iz člana 3. ove Odluke
- (2) Zahtjev za oslobođanje od plaćanja takse sa potrebnom dokumentacijom, obveznik takse podnosi Poreskoj upravi.

#### **Član 13. (Umanjenje komunalne takse)**

- (1) Pravna ili fizička lica koja su rješenjem nadležnog organa prvi put registrovana za obavljanje određene djelatnosti oslobođena su od plaćanja takse u godini kada je pravno

ili fizičko lice registrovano i u naredne dvije godine uz izuzetak registracije poslovne jedinice.

- (2) Obveznicima takse koji na području Grada Goražde obavljaju djelatnost tradicionalnih i starih zanata-obrta koji su utvrđeni u Uredbi o zaštiti tradicionalnih i starih obrta (“Službene novine Federacije BiH”, broj: 28/12) taksa se razrezuje u iznosu od 50% takse propisane za obrtnike, samostalne privrednike odnosno fizička lica koja obavljaju privrednu djelatnost ili zanimanje a koja su registrovana u nadležnoj gradskoj službi ili kod nadležnog ministarstva.
- (3) Taksa na istaknutu firmu, natpis ili obilježje pravne ili fizičke osobe, koja je na osnovu rješenja nadležnog organa prestala obavljati djelatnost u toku obračunskog perioda, će se obračunati srazmjerno broju mjeseci i dana u kojima je lice obavljalo djelatnost.
- (4) Taksa za držanje sredstava za zabavne igre i držanje aparata aparata za igre na sreću koji donose novac će se umanjiti za 50% ako se sredstva za igru počnu koristiti ili prestanu koristiti u drugom polugodištu.
- (5) Obveznicima takse kod kojih dimenzije istaknute firme ne prelaze 200x300 milimetara taksa se razrezuje u iznosu od 50% propisane takse, pod uslovom da ne postoji druga oznaka, obilježje ili natpis na radnim i drugim prostorijama, na fasadi građevine u kojoj se nalaze radne prostorije ili van gabarita te građevine, na ulaznim vratima, izlozima/portalima ili unutar izloga radnih prostorija.

#### **Član 14. (Povrat takse)**

- (1) Obveznik takse kod kojeg je taksa i kamata naplaćena, a koju nije bio dužan platiti, ima pravo na povrat sredstava.
- (2) Zahtjev za povrat sredstava sa dokumentacijom se podnosi Poreskoj upravi.
- (3) Poreska uprava će o zahtjevu odlučiti u skladu sa odredbama Zakona o poreskoj upravi u Federaciji BiH.

### **IV PRELAZNE I ZAVRŠNE ODREDBE**

#### **Član 15. (Započeti neokončani postupci)**

- (1) Postupci razreza visine iznosa takse koji nisu pravosnažno okončani do dana stupanja na snagu ove Odluke, bit će okončani prema odredbama ove Odluke.**

#### **Član 16. (Nadzor i kontrola prijave)**

- (1) Nadzor i kontrolu prijave, obračuna i plaćanja komunalne takse vrši Porezna uprava u saradnji sa Službom za privredu i finansije Grada Goražde, u okviru pojedinačnih nadležnosti.
- (2) Porezna uprava će Službi za privredu i finansije Grada Goražde polugodišnje dostavljati informaciju o realizaciji obaveza po osnovu komunalne takse.

**Član 17.**  
**(Nadležni organi za provođenje ove Odluke)**

- (1) Ovu Odluku provodi Porezna uprava, Služba za privredu i finansije, Služba za urbanizam, prostorno uređenje i komunalne poslove i Službe za inspekcijske poslove, svako u okviru svojih nadležnosti.

**Član 18.**  
**(Primjena Odluke)**

- (1) Stupanjem na snagu ove Odluke prestaje važiti Odluka o visini komunalnih taksi Općine Goražde („Službene novine Općine Goražde“ broj 9/15).  
(2) Za pitanja koja nisu regulisana ovom odlukom primjenjivat će se odredbe Zakona o komunalnim taksama Bosansko-podrinjskog kantona Goražde („Službene novine Bosansko-podrinjskog kantona“ broj: 16/11, 15/14, 5/17 i 8/22) i Zakona o poreznoj upravi Federacije BiH („Službene novine Federacije BiH“ broj 33/02, 28/04, 57/09, 40/10, 27/12, 07/13, 71/14 i 91/15).

**Član 19.**  
**(Stupanje na snagu)**

- (1) Ova odluka stupa na snagu danom objave u Službenim novinama Grada Goražde.

Broj:01-02-  
Goražde,

**PREDSJEDAVAJUĆI GRADSKOG VIJEĆA**

**Bajro Obuća**

## **Obrazloženje**

### **PRAVNI OSNOV**

Pravni osnov za donošenje ove Odluke sadržan je u odredbama Člana 13. Zakona o principima lokalne samouprave u Federaciji BiH („Službene novine Federacije BiH“ broj 49/06 i 51/09) kojim je propisano da Vijeće u okviru svojih nadležnosti donosi propise o porezima, taksama, naknadama i doprinosima jedinice lokalne samouprave u skladu sa Zakonom, te Odredbama člana 13. Zakona o pripadnosti javnih prihoda u Federaciji BiH („Službene novine Federacije BiH“ broj 22/06, 43/08, 22/09), utvrđeno je da jedinicama lokalne samouprave u 100%-tnom iznosu pripadaju naknade i takse koje se naplaćuju u skladu sa propisima jedinica lokalne samouprave.

Zakonom o komunalnim taksama Bosansko-podrinjskog kantona Goražde (“Službene novine BPK” broj 16/11, 15/14, 5/17, 8/22) propisan je način plaćanja i visina komunalnih taksi na području Bosansko-podrinjskog kantona Goražde. Članom 3. Zakona određeno je da se visina takse utvrđuje tarifom koja je sastavni dio Zakona i općinskim propisima koji se donose u skladu sa ovim Zakonom. Također istim članom je određeno da su općine obavezne u roku od 60 dana donijeti propise kojima će, u skladu sa navedenim Zakonom, utvrditi konačan iznos taksi iz tarifnih brojeva 1, 4, 5, 6 i 7.

### **RAZLOZI DONOŠENJA**

U skladu sa Članom 3. Zakona o komunalnim taksama Bosansko-podrinjskog kantona Goražde Općinsko vijeće Općine Goražde je na 32. redovnoj sjednici održanoj dana 30.12.2015. godine donijelo Odluku o visini komunalnih taksi kojom je utvrđena visina komunalnih taksi na području Općine Goražde. Članom 8. Zakona i Članom 5. Odluke određeno je da sredstva od uplate komunalnih taksi su prihod Općine i uplaćuju se na depozitni račun javnih prihoda općinskog budžeta.

Na prijedlog 1/3 poslanika u skupštini BPK Goražde dana 16.05.2018. godine podnesen je Ustavnom суду FBiH zahtjev za utvrđivanje ustavnosti Zakona o komunalnim taksama Bosansko-podrinjskog kantona Goražde sa odredbama o jednakosti pred zakonom tj. Članom II.2. (1) c. Ustava FBiH slijedećih propisa:

- Poglavlje VI-Tarifa komunalnih taksi, član 21. Tarifni broj 1. Stav 1. Zakona o komunalnim taksama Bosansko-podrinjskog kantona Goražde (“Službene novine BPK” broj 16/11, 15/14, 5/17)
- Tarifa komunalnih taksi, član 4. Tarifni broj 1. Stav 1. Odluke o visini komunalnih taksa općine Goražde (“Službene novine općine Goražde” broj 9/15).

Ustavni sud Federacije BiH odlučujući o zahtjevu jedne trećine poslanika u Skupštini BPK na sjednici bez javne rasprave održanoj dana 07.05.2019. godine donio je Presudu kojom se utvrđuje da odredba člana 21. Tarifni broj 1. Stav 1. Zakona o komunalnim taksama Bosansko-podrinjskog kantona Goražde (“Službene novine BPK” broj 16/11, 15/14, 5/17) nije u skladu sa Ustavom Federacije BiH. Također, Presudom je odbačen zahtjev za ocjenu ustavnosti odredbe člana 4. Tarifni broj 1. Stav 1. Odluke o visini komunalnih taksa Općine Goražde (“Službene novine općine Goražde” broj 9/15) jer podnositelj zahtjeva nije ovlašten za podnošenje zahtjeva. Navedena Presuda je objavljena u Službenim novinama BPK broj 8/19.

Obrazloženjem Presude koja se odnosi na činjenično stanje i stav Ustavnog suda Federacije, navode se i posljedice neustavnosti odredbi člana 21. Tarifni broj 1. Stav 1. Zakona

o komunalnim taksama Bosansko-podrinjskog kantona Goražde u odnosu na osporenu odredbu Odluke iz razloga što je zakonski osnov za donošenje Odluke sadržan, između ostalog, u odredbi člana 3. Zakona te su stavovi presude relevantni i u odnosu na zakonodavnu aktivnost lokalne samouprave u oblasti propisivanja komunalnih taksi.

Skupština Bosansko-podrinjskog kantona Goražde je tek na 14. vanrednoj sjednici održanoj 15.09.2022. godine donijela Zakon o izmjeni Zakona o komunalnim taksama Bosansko-podrinjskog kantona Goražde čime se ispoštovala Presuda Ustavnog suda Federacije BiH u pogledu odredbi zakona koje su proglašene neustavnim. Izmjene navedenog Zakona objavljene su u Službenim novinama BPK broj 8/22. Navedenim izmjenama u potpunosti je prepušteno lokalnim zajednicama u sastavu kantona da visinu takse iz tarifnog boja 1 utvrde svojim propisom na osnovu objektivnih, realnih i relevantnih kriterija kao što je područje grada gdje se djelatnost obavlja, veličina obilježja ili natpisa istaknute firme, obavljanje niskoakumulativne djelatnosti i sl. Također, izmjenama Zakona je određeno da će općine/grad u roku od 60 dana donijeti nove propise kojim će se utvrditi iznos takse iz tarifnih brojeva 1, 4, 5, 6 i 7 Zakona.

Ono što je bitno napomenuti je to da je izmjenama Zakona propisano da će se do donošenja novih propisa (odluke o komunalnim taksama lokalnih zajednica) naplata vršiti po ranije donešenim gradskim/opštinskim propisima, čime se nastavlja kontinuitet u naplati prihoda od komunalnih taksi. U praksi je bilo različitih tumačenja kod primjene navedenih propisa a što se odrazilo na iznos prikupljenih prihoda.

Na jedanaestoj vanrednoj sjednici Gradskog vijeća Grada Goražde održanoj 07.02.2023. godine Zaključkom broj 01-02-1-479 od 07.02.2023. godine utvrđen je nacrt Odluke o visini komunalnih taksi Grada Goražde. Navedenim Zaključkom zadužene su Komisije za budžet, finansije i administarivna pitanja i Komisija za statutarna pitanja i propise uz saradnju sa Službom za privredu i finansije, da u roku od 30 dana provedu javnu raspravu. Shodno navedenom javna rasprava je blagovremeno zakazana i održana 22.02.2023. godine u Velikoj Sali Gradske prave sa početkom u 17 časova. Broj prisutnih na javnoj raspravi je iznosiо 20 (dvadeset) a sastojao se od predstavnika određenih privrednih subjekata, samostalnih obrtnici, predstavnici udruženja kao i članovi nadležnih Komisija Gradskog vijeća i predstavnik Službe za privredu i finansije. O održanoj javnoj raspravi sačinjen je zapisnik.


Primjedbe iznesene na javnoj raspravi odnosile su se na propisane iznose komunalne takse (Tarifni broj 1), primjedba na visinu takse za postavljanje stolova ispred ugostiteljskih objekata, kao i kriterij "visina prihoda ostvarena u prethodnoj godini" za pravna lica koja nemaju sjedište na području Grada Goražde (poslovnice pravnih lica). Također, predloženo je oslobođanje od plaćanja komunalne takse za samostalne poljoprivredne proizvođače. Pored primjedbi iznesenih na javnoj raspravi dostavljen je pisani akt od strane Udruženja poslodavaca BPK kojim predlažu značajno umanjenje propisanih taksi za tarifni broj 1.

Na osnovu primjedbi na nacrt Odluke o visini komunalnih taksi Grada Goražde, izvršena je njihova naliza i na zajedničkim sastancima Komisije za budžet, finansije i administarivna pitanja i Službe za privredu i finansije izvršene su određene izmjene Nacrta Odluke a koje se odnose na slijedeće:

- U Tarifnom broju 1 izvršena su određena umanjenja propisanih iznosa komunalnih taksi;
- U Tarifnom broju 1 brisan je kriterij "visina prihoda ostvarena u prethodnoj godini";

- Za pravna lica koja na području Grada Goražde nemaju sjedište već posljuju kao poslovница pravnog lica visina komunalne takse je propisana u procentu od 40% visine komunalne takse za sjedište;
- Za obveznike plaćanja komunalne takse (tarifni broj 1) kod kojih veličina istaknutog obilježja ne prelazi dimenzije 200x300 mm taksa se umanjuje za 50% pod uslovom da isti ne posjeduju drugo obilježje sa istim imenom;

Zbog činjenice da Grad Goražde, kao lokalna zajedinaca u Federaciji BiH, ima izvorne nadležnosti sadržane u odredbama Člana 13. Zakona o principima lokalne samouprave u Federaciji BiH („Službene novine Federacije BiH“ broj 49/06 i 51/09) i Članu 13. Zakona o pripadnosti javnih prihoda u Federaciji BiH („Službene novine Federacije BiH“ broj 22/06, 43/08, 22/09), smatramo da je potrebno donijeti ovu Odluku o komunalnim taksama Grada Goražde kojom se mijenja ranije donesena Odluka, te predlažemo njen usvajanje.



## Obrazac PKT

Naziv pravnog lica –fizičkog lica:					
Identifikacioni broj poreskog obveznika:					
Adresa i broj telefona:					
Broj transakcijskog računa i naziv banke					
Broj poslovnih jedinica na području Grada Goražde					
Kantonalni porezni ured Goražde-Porezna ispostava					

### PRIJAVA KOMUNALNE TAKSE ZA PERIOD OD \_\_\_\_\_ DO \_\_\_\_\_ 20 \_\_\_\_ . GODINE

Red. broj	Tarifni broj	Opis	Mjesto i tačna adresa	Količina (broj sredstava za igre na sreću; broj dana u kojima se izvodi muzika; broj kampova, stolova...)	Zona poslovanja	Poslovница (DA/NE)	Veličina pravnog lica	Iznos takse u KM (utvrđen tarifama od 1. do 7.)	Umanjenje iz članova 13. Odluke	Iznos takse u KM (9.-10.)
1.	2.	3.	4.	5.	6.	7.	8.	9.	10.	11.

UPLATA NA DEPOZITNI RAČUN GRADA GORAŽDE BROJ 102840000000022222 (UNION BANKA), VRSTA PRIHODA 722321, ŠIFRA OPĆINE 033

Datum \_\_\_\_ 20 \_\_\_\_ . godine

PODΝOSILAC PRIJAVE

UKUPNO: